



AIHT

Agencija za nadzor nad tržištem BiH
Агенција за надзор над тржиштем БиХ
Market Surveillance Agency of B&H

BILTEN

O NESIGURNIM PROIZVODIMA NA TRŽIŠTU BOSNE I HERCEGOVINE



Nesigurni
proizvodi

Zaštita
potrošača

Godina 6, broj 6, mart 2019. godine



Osnivač i izdavač
Agencija za nadzor nad tržištem
Bosne i Hercegovine

Za izdavača
direktor
mr.sc. Aleksandar Golijanin, dipl.ing.geol.

Glavni i odgovorni urednik
Mladen Batković, dipl. ing. maš.

Članovi redakcije
mr.sc. Dražan Primorac, dipl. ing. saob.
mr.sc. Samir Bekto, dipl. ing. maš.
Mićo Drljo, dipl. ing. maš.
Lidija Lovrić, dipl. ing. hem.
Danka Krajišnik, prof. eng. jezika
Edin Čerimagić, dipl. ing. građ.

Dizajn
Agencija za nadzor nad tržištem
Bosne i Hercegovine

Tiraž
100 primjeraka

Bilten izlazi jednom godišnje

Prilikom preuzimanja podataka iz ovog izdanja, obavezno navedite izvor!

PREDGOVOR	3
Proaktivni nadzor u 2018. godini	4
Dječije hodalice	5
Dječije ogradice za kućnu upotrebu	6
Stolice za vanjsku upotrebu	7
Koturaljke (roleri)	8
Igračke sa laserskim lampama	9
Bočice za hranjenje beba	10
Usisivači za prašinu	11
Kuhala za vodu	12
Produžni kablovi	13
Električni fenovi	14
Aparati za kafu	15
Ventilatori	16
Ručne električne kružne pile	17
Ručne električne ubodne pile	18
Električne kosilice za travu	19
Plutajuća pomagala	20
Ploče na bazi drveta za upotrebu u građevinarstvu	21
Veziva od gipsa i gipsane mase za izravnavanje	22
Rezultati proaktivnog nadzora u 2018. godini	23
Sumarni rezultati nadzora u 2018. godini	24
Lista proizvoda sa ozbiljnim rizikom	26

PREDGOVOR



Visok nivo zaštite potrošača jedan je od ciljeva kome Bosna i Hercegovina teži na putu ka pridruživanju Evropskoj uniji. Neki od osnovnih ciljeva i zadataka Agencije za nadzor nad tržištem Bosne i Hercegovine jesu zaštita zdravlja i sigurnosti potrošača, informisanje i educiranje. Da bi se osigurala zaštita potrošača u oblasti sigurnosti neprehrambenih proizvoda, u Bosni i Hercegovini je usvojeno nekoliko zakona, od kojih su najvažniji u ovoj oblasti Zakon o općoj sigurnosti proizvoda i Zakon o nadzoru nad tržištem Bosne i Hercegovine.

U skladu sa Zakonom o općoj sigurnosti proizvoda proizvođač je obavezan da na tržište Bosne i Hercegovine stavlja samo sigurne proizvode. Siguran proizvod je svaki proizvod, koji u uobičajenim ili razumno predvidljivim uslovima upotrebe, uključujući trajanje i, po potrebi, stavljanje u upotrebu i zahtjeve za ugradnju i održavanje, ne predstavlja nikakav rizik ili samo najmanji rizik spojiv s upotrebom proizvoda, a koji se smatra prihvatljivim i saglasnim s visokim nivoom zaštite sigurnosti i zdravlja ljudi. Međutim, kontinuirane aktivnosti u oblasti nadzora nad tržištem neprehrambenih proizvoda su pokazale da na tržištu ima dosta proizvoda neusklađenih sa sigurnosnim zahtjevima i da kao takvi predstavljaju rizik za zdravlje potrošača.

Nekada se tek prilikom upotrebe proizvoda utvrdi da on predstavlja sigurnosni rizik za potrošače. Najčešći rizici koji se mogu pojaviti su strujni udar, požar, povrede, gušenje, utapanje, hemijski rizik itd. U takvim slučajevima potrošači mogu Agenciji za nadzor nad tržištem Bosne i Hercegovine podnijeti prigovor. Prigovor potrošača se može podnijeti pismenim ili elektronskim putem korištenjem predviđenog obrasca koji je dostupan na internet stranici ili se može preuzeti u službenim prostorijama Agencije za nadzor nad tržištem Bosne i Hercegovine. Da bi što brže identifikovali proizvod na tržištu, posebnu pažnju treba posvetiti tačnosti unosa podataka o proizvodu u obrascu, kao što su opis (fotografija proizvoda po mogućnosti); naziv (npr. marka, tip, model, serijski broj, uputstvo za upotrebu); mjesto kupovine (naziv i adresa prodajnog mjesta, kopija kupoprodajnog računa); te opasnosti / rizici i posljedice po zdravlje koje je izazvao proizvod (npr. strujni udar, posjekotine, opekotine, alergije, ostalo).

Skrećemo pažnju da Agencija za nadzor nad tržištem Bosne i Hercegovine nije nadležna za rješavanje prigovora potrošača koji se odnose na ekonomske interese kupaca, garancije na proizvode, zamjene proizvoda, pružanje usluga, formiranje cijena proizvoda, komunalne usluge, itd. U svim ovim navedenim slučajevima potrošač se upućuje na nadležnu instituciju.

Informisan potrošač je zaštićen potrošač!

S poštovanjem,
Redakcija



PROAKTIVNI NADZOR NAD TRŽIŠTEM U 2018. GODINI

Kako bi se utvrdilo da li određene grupe proizvoda, koje se stavljaju na tržište Bosne i Hercegovine, ispunjavaju sigurnosne zahtjeve iz propisa koji su na snazi u Bosni i Hercegovini, Agencija za nadzor nad tržištem Bosne i Hercegovine je u saradnji sa inspektoratima entiteta i Brčko distrikta Bosne i Hercegovine, u 2018. godini realizovala proaktivni nadzor 23 grupe neprehrambenih potrošačkih proizvoda u skladu sa Godišnjim planom nadzora nad tržištem za 2018. godinu.

Grupa proizvoda	Pravni osnov
1. Dječije hodalice 2. Dječije ogradice za kućnu upotrebu 3. Trotinetai za djecu 4. Stolice za vanjsku upotrebu 5. Koturaljke 6. Igračke sa laserskim lampama 7. Laserski pokazivači	Zakon o opštoj sigurnosti proizvoda („Službeni glasnik BiH”, broj 102/09)
8. Ftalati u igračkama	Odluka o ograničavanju stavljanja na tržište igračaka i proizvoda za djecu koji sadrže ftalate („Službeni glasnik BiH”, broj 04/10)
9. Bočice za hranjenje beba	Pravilnik o plastičnim materijalima i predmetima namijenjenim za dodir s hranom („Službeni glasnik BiH”, broj 66/17)
10. Usisivači za prašinu 11. Kuhala za vodu 12. Produžni kablovi 13. Električni fenovi 14. Aparati za kafu 15. Ventilatori	Naredba o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09)
16. Ručne električne kružne pile 17. Ručne električne ubodne pile 18. Električne kosilice za travu	Naredba o sigurnosti mašina („Službeni glasnik BiH”, broj 04/10)
19. Kacige za bicikliste i korisnike skejtborda i koturaljki 20. Plutajuća pomagala	Naredba o ličnoj zaštitnoj opremi („Službeni glasnik BiH”, broj 75/10)
22. Ploče na bazi drveta za upotrebu u građevinarstvu 23. Veziva od gipsa i gipsane mase za izravnavanje	Zakon o građevinskim proizvodima u FBiH („Službene novine FBiH”, broj 78/09) Zakon o građevinskim proizvodima u RS („Službeni glasnik RS”, broj 5/12)

DJEČIJE HODALICE




SAVJETI PRILIKOM KUPOVINE

Prilikom kupovine dječijih hodalica savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Na proizvodu se trebaju nalaziti sljedeće oznake / informacije:

- naziv ili trgovačka marka proizvođača, uvoznika ili poslovnog subjekta odgovornog za prodaju,
- oznaka standarda BAS EN 1273:2010 ili EN 1273:2005,
- referentni broj ili serijski broj,
- tekst „Upozorenje – Nikad ne ostavljajte dijete bez nadzora.”
Ovo upozorenje može se koristiti zajedno sa piktoграмom kao na slici.



Informacije za potrošače prilikom kupovine na mjestu prodaje moraju biti jasne, vidljive i čitljive i sadržavati sljedeće:

- Tekst: „Namijenjena samo za djecu koja mogu samostalno sjediti, približno iznad 6 mjeseci starosti. Nije namijenjena za djecu koja mogu samostalno hodati ili čija težina prelazi 12 kg”.
- Upozorenje: „Nikad ne ostavljajte dijete bez nadzora”.
- Upozorenje: „Onemogućite djetetu pristup stubištu, stepenicama i neravnim površinama”.

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaku dječiju hodalicu i mora biti napisano na jednom od službenih jezika u Bosni i Hercegovini. Uputstvo mora sadržavati upozorenja i druge informacije:

- upozorenje: „Nikad ne ostavljajte dijete bez nadzora”,
- upozorenje: „Dijete će se moći kretati brže i dalje kada se nalazi u hodalici”,
- onemogućiti djetetu pristup stubištu, stepenicama i neravnim površinama,
- spriječiti pristup vatri, uređajima za grijanje i kuhanje,
- držati izvan dohvata djece vruće tečnosti, električne žice i druge potencijalne opasnosti,
- spriječiti sudar sa staklenim površinama u vratima, prozorima i namještaju,
- ne koristiti dječiju hodalicu ukoliko je bilo koji njen dio slomljen ili nedostaje,
- ova dječija hodalica bi se trebala koristiti u kratkom vremenskom periodu (npr. 20 minuta),
- ova dječija hodalica je namijenjena samo za djecu koja mogu samostalno sjediti, približno oko 6 mjeseci starosti, a nije namijenjena za djecu težu od 12 kg,
- ne koristiti zamjenske dijelove koje nije odobrio proizvođač ili distributer,
- uputstva za redovno održavanje i čišćenje ili pranje.

➤ Da li proizvod ima vidljivih sigurnosnih nedostataka?

Prilikom kupovine dječje hodalice možete provjeriti sljedeće:

- na hodalici trebaju biti četiri točkića (ukoliko je broj točkića veći od četiri, hodalica je nesigurna),
- na hodalici trebaju biti zaustavljači (kočnice), koji se moraju nalaziti s donje strane rama hodalice,
- visina sjedišta hodalice u najnižem položaju treba biti najmanje 180 mm iznad tla.

Dječije hodalice su namijenjene za djecu koja mogu samostalno sjediti, starosti iznad 6 mjeseci i maksimalne težine do 12 kg. Dječija hodalica predstavlja pokretni ram, u koji se dijete postavlja u sjedećem ili stojećem položaju i koji mu omogućava da se kreće.

PRAVNI OSNOV

Da bi se dječije hodalice mogle staviti na tržište Bosne i Hercegovine one moraju biti sigurne u skladu sa Zakonom o općoj sigurnosti proizvoda („Službeni glasnik BiH”, broj 102/09).



DJEČIJE OGRADICE ZA KUĆNU UPOTREBU

SAVJETI PRILIKOM KUPOVINE

Dječija ogradica predstavlja ograđeni prostor, koji se sastoji od ograde i podnice, namijenjen da čuva dijete u prostoru u kojem se ono igra.

PRAVNI OSNOV

Da bi se dječije ogradice mogle staviti na tržište Bosne i Hercegovine one moraju biti sigurne u skladu sa Zakonom o općoj sigurnosti proizvoda („Službeni glasnik BiH”, broj 102/09).

Prilikom kupovine dječijih ogradica savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Na proizvodu se trebaju nalaziti sljedeće oznake / informacije:

- oznaka standarda BAS EN 12227: 2011 ili EN 12227: 2010,
- naziv ili trgovačka marka ili drugi način identifikacije proizvođača ili distributera ili uvoznika ili trgovca na malo,
- plastična ambalaža za pakovanje, ukoliko se koristi, mora biti označena sljedećim upozorenjem: „Kako bi se izbjegla opasnost od gušenja, odstranite plastičnu ambalažu prije upotrebe ovog proizvoda. Ova ambalaža treba se uništiti ili čuvati dalje od djece i dojenčadi“.

Sljedeća informacija mora biti dostupna na mjestu prodaje prilikom kupovine:

- Maksimalan broj godina djeteta za koje je dječija ogradica namijenjena.

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaku dječiju ogradicu i mora biti napisano na jednom od službenih jezika u Bosni i Hercegovini. Uputstvo mora sadržavati upozorenja i



druge informacije:

- upozorenje: „Ne ostavljajte dječiju ogradicu blizu otvorenog plamena ili drugih izvora toplote”,
- upozorenje: „Ne koristiti dječiju ogradicu bez podnice”,
- oznaku standarda BAS EN 12227: 2011 ili EN 12227: 2010,
- registrovanu trgovačku marku ili trgovačku marku proizvođača ili distributera ili uvoznika ili trgovca na malo,
- način identifikacije proizvoda npr. broj modela,
- informaciju o maksimalnom broju godina djeteta za koje je ogradica namijenjena,
- ukoliko je visina podnice podesiva, podnica uvijek treba da bude korištena u najnižoj poziciji čim je dijete dovoljno staro da samostalno sjedi, kleči ili se podiže,
- montažnu skicu, listu i opis svih dijelova i alata potrebnih za sastavljanje, te dijagram vijaka i drugih elemenata za sastavljanje, ako je primjenjivo,
- izjavu kojom će se privući pažnja korisniku o rizicima ako se u ogradici ostavlja bilo šta što može poslužiti kao oslonac ili stvoriti opasnost od gušenja ili davljenja,
- izjavu da svi sastavni dijelovi trebaju uvijek biti pravilno zategnuti,
- izjavu da se ne koristi dječija ogradica ako je bilo koji dio polomljen, oštećen ili nedostaje i upotrebljavati samo rezervne dijelove koji su odobreni od strane proizvođača,
- izjavu da se ne koriste dijelovi koji nisu odobreni od strane proizvođača i preporuke za održavanje.

➤ Da li proizvod ima vidljivih sigurnosnih nedostataka?

Prilikom kupovine dječije ogradice možete provjeriti sljedeće:

- rastojanje između gornje strane podnice u najnižem položaju i gornjeg ruba treba biti najmanje 600 mm,
- otvori u mrežici dječije ogradice moraju biti manji od 7mm,
- svi rubovi na dječijoj ogradici trebaju biti zaobljeni i zakošeni.

STOLICE ZA VANJSKU UPOTREBU



SAVJETI PRILIKOM KUPOVINE

Prilikom kupovine stolica za vanjsku upotrebu savjetujemo potrošače da obrate pažnju na sljedeće:

➤ **Da li je uputstvo za upotrebu priloženo uz proizvod?**



Uputstvo za upotrebu mora biti priloženo uz svaku stolicu za vanjsku upotrebu koja se nalazi u prodaji i mora biti napisano na jednom od jezika koji su u službenoj upotrebi u Bosni i Hercegovini.

Uputstvo za upotrebu mora sadržavati minimalno sljedeće informacije:

- na vrhu uputstva mora biti napisan tekst: „VAŽNO, SAČUVATI ZA BUDUĆU UPOTREBU - PROČITATI PAŽLJIVO“ (pisano veličinom slova ne manjom od 5 mm),
- naziv i adresu proizvođača / distributera / dobavljača,
- uslove koji se odnose na upotrebu stolice (za kućnu upotrebu, kampovanje ili javnu upotrebu),

- uputstvo za sklapanje (ako je primjenjivo),
- uputstvo za održavanje (ako je primjenjivo).

➤ **Da li proizvod ima vidljivih sigurnosnih nedostataka?**

Prilikom kupovine stolice za vanjsku upotrebu možete provjeriti sljedeće:

- svi rubovi i uglovi stolica koje dolaze u direktan kontakt sa korisnikom tokom upotrebe moraju biti zaobljeni i zakošeni i ne smiju biti oštri kako ne bi prouzrokovali povredu korisnika,
- dostupni otvori i rupe na dnu nogu stolice i na drugim cjevastim dijelovima stolice trebaju biti manji od 7 mm ili veći od 12 mm i dubine manje od 10 mm.

Stolice za vanjsku upotrebu mogu se koristiti za kućnu i javnu upotrebu, te za kampovanje. Stolice za vanjsku upotrebu moraju biti tako konstruisane da ne uzrokuju nikakve povrede za korisnika kada ih koristi u skladu sa predviđenom namjenom.

PRAVNI OSNOV

Da bi se stolice za vanjsku upotrebu mogle staviti na tržište Bosne i Hercegovine one moraju biti sigurne u skladu sa Zakonom o općoj sigurnosti proizvoda („Službeni





KOTURALJKE (ROLERI)

SAVJETI PRILIKOM KUPOVINE

Koturaljke (roleri) se smatraju sigurnim ukoliko ispunjavaju sigurnosne zahtjeve propisane u standardu BAS EN 13843:2012.

Ove koturaljke imaju sve točkice postavljene u jednoj liniji. Koturaljke se dijele u dvije klase: Klasa A - koturaljke namijenjene za korisnike mase od 20 kg do 100 kg i Klasa B - koturaljke namijenjene za korisnike mase od 20 kg do 60 kg i dužinom stopala do 260 mm.

PRAVNI OSNOV

Da bi se koturaljke mogle staviti na tržište Bosne i Hercegovine one moraju biti sigurne u skladu sa Zakonom o općoj sigurnosti proizvoda („Službeni

Prilikom kupovine koturaljki savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Na proizvodu se trebaju nalaziti sljedeće oznake / informacije:

- oznaka standarda BAS EN 13843 ili EN 13843,
- naziv, trgovačka marka proizvođača ili drugi način identifikacije proizvođača ili maloprodaje,
- identifikacija modela koturaljki,
- informacije o maksimalnoj masi korisnika ili oznaka klase A ili B koturaljki (ako maksimalna masa korisnika nije navedena na koturaljkama, ista mora biti navedena na pakovanju).



➤ Da li su uputstva za upotrebu priložena uz proizvod?

Uputstva za upotrebu, održavanje i druge informacije o konstrukciji i klasi koturaljki moraju biti priložena uz svaki par koturaljki i moraju biti napisana na jednom od službenih jezika u Bosni i Hercegovini. Ova uputstva moraju sadržavati sljedeće informacije:

- napomenu da nije dozvoljeno vršiti nikakve izmjene koje mogu ugroziti sigurnost,
- napomenu da koturaljke ne sadrže kočnice na prednjem i / ili zadnjem dijelu, ako je primjenjivo,
- napomenu da se vodi računa o samoosiguravajućim navrtkama i drugim spojnim elementima,
- informacije koje se odnose na ograničenja o upotrebi koturaljki u skladu sa važećim propisima o sigurnosti saobraćaja i preporuke ili opisi koje se odnose na odgovarajuće površine za vožnju (površine moraju biti čiste, ravne i ako je moguće da nema drugih učesnika u saobraćaju),
- upozorenje da korisnik treba uvijek nositi zaštitnu opremu: štitnike za ruke / ručni zglob, koljena, glavu i laktove,
- uputstvo da se provjerava da li je upravljački mehanizam, ako postoji, ispravno podešen i da li su ostale komponente čvrsto pričvršćene,
- opis ispravnih tehnika za upotrebu koturaljki i za kočenje,

– uputstva za održavanje i servisiranje koja trebaju sadržavati informacije o održavanju i podmazivanju ležajeva, zamjeni točkova i dijelova kočnica, podešavanju upravljačkog mehanizma i redovnim provjerama,

– informacije o klasi koturaljki.

➤ Da li proizvod ima vidljivih sigurnosnih nedostataka?

Prilikom kupovine koturaljki možete provjeriti sljedeće:

- svi dijelovi koturaljki koji strše i rubovi koji mogu doći u kontakt sa korisnikom trebaju biti zaobljeni i glatki,
- kopče na cipelama koturaljki trebaju biti čvrsto pričvršćene kako bi se izbjeglo slučajno otkopčavanje,
- točkovi na koturaljkama trebaju biti napravljeni od protukliznog materijala,
- rastojanje između kočnice, na prednjem i / ili zadnjem dijelu koturaljki, i tla treba biti između 7 i 17 mm.

IGRAČKE SA LASERSKIM LAMPAMA



SAVJETI PRILIKOM KUPOVINE

Prilikom kupovine igračaka sa laserskim lampama savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Svaki laserski proizvod, u zavisnosti od klase kojoj pripada, mora biti označen znakom upozorenja i odgovarajućim znakovima obavještenja.



LASERSKI PROIZVOD KLASJE 1

LASERSKO ZRAČENJE
NE GLEDATI DIREKTNO SA
OPTIČKIM INSTRUMENTIMA
LASERSKI PROIZVOD KLASJE 1M

NEVIDLJIVO LASERSKO ZRAČENJE
SLIJEDI INSTRUKCIJE
LASERSKI PROIZVOD KLASJE 1C

LASERSKO ZRAČENJE
NE ZURITI U LASERSKI ZRAK
LASERSKI PROIZVOD KLASJE 2

LASERSKO ZRAČENJE
NE ZURITI U LASERSKI ZRAK ILI NE
GLEDATI DIREKTNO SA OPTIČKIM
INSTRUMENTIMA
LASERSKI PROIZVOD KLASJE 2M

LASERSKO ZRAČENJE
IZBJEGAVATI DIREKTNU
IZLOŽENOST OKA
LASERSKI PROIZVOD KLASJE 3R

LASERSKO ZRAČENJE
IZBJEGAVATI IZLOŽENOST
LASERSKOM ZRAKU
LASERSKI PROIZVOD KLASJE 3B

LASERSKO ZRAČENJE
IZBJEGAVATI IZLOŽENOST OKA ILI
KOŽE DIREKTNOM ILI RASUTOM
ZRAČENJU
LASERSKI PROIZVOD KLASJE 4

Igračke sa laserskim lampama su laserski proizvodi sa vlastitim (baterijskim) izvorom napajanja i laserskom diodom koja emituje vrlo uske laserske zrake vidljive svjetlosti, relativno male snage. To su najčešće igračke pištolji sa laserskim nišanima, mačevi, igračke super heroji i sl.

PRAVNI OSNOV

Da bi se igračke sa laserskim lampama mogle staviti na tržište Bosne i Hercegovine one moraju biti sigurne u skladu sa Zakonom o općoj sigurnosti proizvoda („Službeni glasnik BiH”, broj 102/09).

Potrošačima se savjetuje da ne kupuju laserske proizvode iznad klase 2M jer predstavljaju ozbiljan rizik za potrošače tako što mogu izazvati oštećenje vida i povrede oka, te kao takvi ne smiju biti dostupni na tržištu u slobodnoj prodaji.

➤ **Da li je uputstvo za upotrebu priloženo uz proizvod?**

Korisnicima igračaka sa laserskim lampama mora biti dostupno uputstvo za upotrebu koje sadrži sve potrebne sigurnosne informacije:

- odgovarajuće uputstvo za pravilno sklapanje, održavanje i sigurno korištenje, uključujući i jasna upozorenja u vezi mjera predostrožnosti kako bi se izbjeglo eventualno izlaganje opasnom laserskom zračenju,
- za laserske proizvode klase 1M i 2M, dodatno upozorenje da gledanje u laserski zrak pomoću teleskopskih optičkih uređaja (npr. teleskop ili dvogled) može predstavljati opasnost za oko, i da korisnik ne smije usmjeravati laserski zrak u područje gdje se takvi uređaji koriste,
- čitljive reprodukcije svih potrebnih oznaka i upozorenja koje su postavljene na laserski proizvod ili priložene uz njega, uz navođenje gdje se te oznake nalaze na proizvodu.



Uputstvo za upotrebu mora biti napisano na jednom od jezika koji su u službenoj upotrebi u Bosni i Hercegovini.



BOČICE ZA HRANJENJE DOJENČADI

SAVJETI PRILIKOM KUPOVINE

Bisfenol A (BPA) je organska molekula hemijske formule $C_{15}H_{16}O_2$. Prema ²IUPAC-ovoj nomenklaturi ime mu je 4-[2-(4-hidroksifenil)propan-2-il]fenol. U literaturi se najčešće može pronaći pod imenom 2,2-bis-(4-hidroksifenil)propan.

PRAVNI OSNOV

Da bi se bočice za hranjenje dojenčadi mogle staviti na tržište Bosne i Hercegovine one moraju biti, u pogledu prisutnosti bisfenola A, sigurne u skladu sa Pravilnikom o plastičnim materijalima i predmetima namijenjenim za dodir s hranom („Službeni glasnik BiH”, broj 66/17).

Prilikom kupovine bočica za hranjenje dojenčadi¹ savjetujemo potrošače da obrate pažnju na sljedeće:

- Izbjegavajte polikarbonatne bočice (tvrda, sjajna, prozirna ili obojena plastika, obično sa brojem 7 ili slovima PC na dnu). Simbol 7 ili oznaka PC (koja označava polikarbonat) je znak da boca vjerovatno sadrži BPA;
- Koristite boce od neprozirne plastike. Te boce (od polietilena ili polipropilena) ne sadrže BPA. Obično se na njima nalazi simbol s brojem 2 ili 5. Za ovu vrstu plastike smatra se da je plastika za koju postoji najmanja vjerovatnoća ispuštanja štetnih tvari;
- Staklene boce mogu biti alternativa, ali budite svjesni rizika povrede vas ili vaše bebe ako je boca ispuštena ili slomljena.

Znakovi za polimerne materijale brojčane oznake 2, 5 i 7



Brojčane oznake	Slovne oznake	Znak	Naziv
2	PE-HD		polietilen visoke gustoće
5	PP		polipropilen
7	0		ostalo

➤ **Budući da toplota može uzrokovati izlučivanje BPA iz plastike preporučujemo:**

– Ne zagrijavajte polikarbonatne boce u mikrovalnoj pećnici;



– Ne perite polikarbonatne bočice za hranjenje dojenčadi u mašini za pranje posuđa;

– Ne sipajte vrelu tečnost u bočice za hranjenje dojenčadi;



– Ne zagrijavajte hranu ili tečnost u bočicama za bebe, već to činite u odvojenim posudama.

¹Dojenče (prema Uredbi (EU) br. 609/2013) znači dijete mlađe od 12 mjeseci.

²Međunarodna unija za čistu i primijenjenu hemiju (eng.: International Union for Pure and Applied Chemistry - IUPAC)

ELEKTRIČNI USISIVAČI ZA PRAŠINU



SAVJETI PRILIKOM KUPOVINE

Prilikom kupovine električnih usisivača za prašinu savjetujemo potrošače da obrate pažnju na sljedeće:

➤ Da li se na proizvodu nalaze obavezne informacije?

Na proizvodu se trebaju nalaziti najmanje sljedeće oznake / informacije:

- oznaka proizvođača ili njegove robne marke,
- oznaka modela / tipa uređaja,
- znak usklađenosti C ili CE koji pokazuje da je proizvod usklađen sa svim propisima i standardima koji se na njega odnose,
- vrijednost naznačenog napona ili raspona napona u voltima (V),
- vrijednost snage uređaja (W),
- oznaka prirode napona (~) ili frekvencije uređaja (Hz) i
- oznaka klase zaštite.

➤ Da li je uputstvo za upotrebu priloženo uz proizvod?



Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati sve detalje potrebne za sigurnu instalaciju, korištenje i održavanje proizvoda. Uputstvo za upotrebu usisivača za prašinu mora u sebi da sadrži najmanje sljedeće elemente koji suštinom zadovoljavaju sljedeće izjave:

OPREZ: Ovaj uređaj posjeduje električno napajanje:

- Ne usisavajte tečnosti sa njim osim ako je posebno naglašeno da je to dozvoljeno;
- Ne potapajte ga u vodu prilikom čišćenja;
- Uvijek provjerite da li napojni kabl ima oštećenja prije upotrebe uređaja.

➤ Da li proizvod ima vidljivih sigurnosnih nedostataka?

Vizuelnom kontrolom provjerite karakteristične sigurnosne zahtjeve koji se odnose na funkcionalnost i konstrukciju uređaja:

- Na uređaju ne smiju biti dostupni dijelovi pod naponom niti smiju postojati dijelovi koji se mogu skinuti bez alata, a čijim skidanjem postaju dostupni dijelovi pod napojnom;
- Spoj između napojnog kabla i utikača, te kabla i tijela uređaja mora biti odgovarajuće učvršćen (tzv. „sidro”);
- Usisivač mora biti tako konstruisan da njegova unutrašnjost bude zaštićena od taloženja prašine na motoru ili ventilatoru (kesa ili posuda za prašinu);
- Uređaj mora imati i odgovarajuću mehaničku čvrstoću i stabilnost tako da izdrži uslove predvidljive upotrebe.



Električni usisivač za prašinu je kućanski uređaj koji služi za čišćenje i održavanje higijene domaćinstva tako što skuplja prašinu u posebnu, za to namijenjenu posudu. Zastupljen je proizvod u svim domaćinstvima. Može da predstavlja opasnost od požara i strujnog udara po korisnika.

PRAVNI OSNOV

Da bi se usisivači za prašinu mogli staviti na tržište Bosne i Hercegovine oni moraju biti sigurni u skladu sa Naredbom o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09).



ELEKTRIČNA KUHALA ZA VODU

SAVJETI PRILIKOM KUPOVINE

Električno kuhalo za vodu je mali kućanski uređaj koji služi za grijanje vode koja se nakon toga koristi za spravljanje toplih napitaka. Jako je zastupljen proizvod u domaćinstvima i kancelarijama, a pored požara i strujnog udara može da predstavlja i opasnost od opekotina po korisnika.

PRAVNI OSNOV

Da bi se kuhala za vodu mogla staviti na tržište Bosne i Hercegovine ona moraju biti sigurna u skladu sa Naredbom o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09).

Prilikom kupovine električnih kuhala za vodu savjetujemo potrošače da obrate pažnju na sljedeće:

➤ Da li se na proizvodu nalaze obavezne informacije?

Na proizvodu se trebaju nalaziti najmanje sljedeće oznake / informacije:

- oznaka proizvođača ili njegove robne marke,
- oznaka modela / tipa uređaja,
- znak usklađenosti C ili CE koji pokazuje da je proizvod usklađen sa svim propisima i standardima koji se na njega odnose,
- vrijednost naznačenog napona ili raspona napona u voltima (V),
- vrijednost snage uređaja (W),
- oznaka prirode napona (~) ili frekvencije uređaja (Hz),
- oznaka kapaciteta posude u litrima (l) i
- oznaka klase zaštite.

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini. Uputstvo za upotrebu kuhala za vodu mora u sebi da sadrži najmanje sljedeće elemente koji suštinom zadovoljavaju sljedeće izjave:

- Osim ako je kuhalo tako konstruisano da ne može doći do izbacivanja ključale vode ili vodene pare: *Upozorenje: može doći do izbacivanja ključale vode ili vodene pare!*
- Za kuhala kod kojih se poklopac za punjenje nalazi ispod ručke za rukovanje uređajem: *Upozorenje: Postavite poklopac tako da je para usmjerena suprotno od ručke!*
- *Upozorenje: Ne otvarajte poklopac uređaja dok voda ključa!*
- Za bežična kuhala: *Koristite ovo kuhalo samo sa njegovim originalnim postoljem;*
- Ako postoji mogućnost da se hvatanjem ručke podigne i postolje bežičnog kuhala zajedno sa uređajem: *Osigurajte da je uređaj isključen prije nego ga podignete sa postolja.*



➤ Da li proizvod ima vidljivih sigurnosnih nedostataka?

Vizuelnom kontrolom provjerite karakteristične sigurnosne zahtjeve koji se odnose na funkcionalnost i konstrukciju uređaja:

- na uređaju ne smiju biti dostupni dijelovi pod naponom niti smiju postojati dijelovi koji se mogu skinuti bez alata, a čijim skidanjem postaju dostupni dijelovi pod naponom,
- poklopac uređaja mora biti odgovarajuće pričvršćen tako da ne postoji mogućnost ispadanja poklopca prilikom sipanja vode iz uređaja (mehanizam zavrtnja ili pričvršćenja poklopca),
- napojni kabl kuhala za vodu ne smije biti duži od 75 cm osim ako se radi o sferno uvijenom kablju,
- uređaj mora imati i odgovarajuću mehaničku čvrstoću i stabilnost tako da izdrži uslove predvidljive upotrebe.



PRODUŽNI KABLOVI



SAVJETI PRILIKOM KUPOVINE

Prilikom kupovine produžnih kablova za upotrebu u domaćinstvu savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Na proizvodu se trebaju nalaziti najmanje sljedeće oznake / informacije:

- oznaka proizvođača ili njegove robne marke,
- oznaka modela / tipa uređaja,
- znak usklađenosti C ili CE koji pokazuje da je proizvod usklađen sa svim propisima i standardima koji se na njega odnose,
- poprečni presjek provodnika u napojnom kablju proizvoda,
- vrijednost naznačene struje u amperima (A),
- vrijednost naznačenog napona u voltima (V),
- vrijednost maksimalne snage koja se smije priključiti na uređaj u vatima (W_{max}),
- oznaka prirode napona (~) i
- oznaka klase zaštite (ukoliko je različita od klase I).

➤ Da li je uputstvo za upotrebu priloženo uz proizvod

Obični produžni kablovi nemaju obavezu posjedovanja uputstva za upotrebu s obzirom da se radi o jednostavnom električnom uređaju. Produžni kablovi sa posebnim funkcijama (npr. stabilizacija napona, prekostrujna zaštita i sl.) i čija upotreba zahtijeva posebne instrukcije, moraju imati uputstvo za upotrebu u kome su ove instrukcije navedene. Takvo uputstvo mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati i sve detalje potrebne za sigurnu instalaciju, korištenje i održavanje proizvoda.



Produžni kabl za upotrebu u domaćinstvu služi za povezivanje električnih uređaja na utičnice kućne instalacije kada to nije moguće uraditi direktno. Sastoji se od kabla određene dužine na čijem jednom kraju se nalazi utikač, a na drugom jedna ili više utičnica iste izvedbe.

PRAVNI OSNOV

Da bi se produžni kablovi za upotrebu u domaćinstvu mogli staviti na tržište Bosne i Hercegovine oni moraju biti sigurni u skladu sa Naredbom o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09).

➤ Da li proizvod ima vidljivih sigurnosnih nedostataka?

Vizuelnom kontrolom provjerite karakteristične sigurnosne zahtjeve koji se odnose na funkcionalnost i konstrukciju uređaja:

- utikač i utičnice moraju imati zaštitne kontakte od čvrstog materijala koji se ne može lako deformisati,
- utičnice produžnog kabla moraju imati tzv. „zatvarače” (zatvarači su uređaji koji se nalaze na otvorima utičnica i sprečavaju umetanje stranih tijela u otvore utičnica, osim igala utikača),
- na uređaju ne smiju biti dostupni dijelovi pod napojnom,
- spoj između napojnog kabla i utikača, te kabla i tijela uređaja, mora biti odgovarajuće učvršćen (tzv. „sidro”),
- uređaj mora imati odgovarajuću mehaničku čvrstoću i stabilnost tako da izdrži uslove predvidljive upotrebe.





FENOVI ZA KOSU

SAVJETI PRILIKOM KUPOVINE

Fenovi su veoma rasprostranjena grupa proizvoda i posjeduje ih skoro svako domaćinstvo. Za korisnika mogu da predstavljaju opasnost od požara i strujnog udara. Rizik od strujnog udara je veći s obzirom na činjenicu da se fenovi često koriste u kupaonicama.

PRAVNI OSNOV

Da bi se fenovi za kosu mogli staviti na tržište Bosne i Hercegovine oni moraju biti sigurni u skladu sa Naredbom o električnoj opremi namijenjenoj za upotrebu unutar određenih naponskih granica („Službeni glasnik BiH“, broj 98/09).

Prilikom kupovine fenova za kosu savjetujemo potrošače da obrate pažnju na sljedeće:

➤ Da li se na proizvodu nalaze obavezne informacije?

Na proizvodu treba da se nalaze najmanje sljedeće oznake / informacije:

- oznaka proizvođača ili njegove robne marke,
- oznaka modela ili tipa uređaja,
- znak usklađenosti C ili CE,
- vrijednost naznačenog napona ili raspona napona u voltima (V),
- oznaka prirode napona (~) ili frekvencije uređaja u hercima (Hz),
- vrijednost snage uređaja u vatima (W),
- oznaka klase zaštite (ukoliko je različita od klase I),
- oznaku da se fen ne smije koristiti u kadama ili tuš kabinama.



➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaki fen, napisano na jednom od jezika koji su u službenoj upotrebi u Bosni i Hercegovini i treba da sadrži najmanje sljedeće dijelove teksta:

- Fen mogu koristiti djeca starija od 8 godina i osobe sa smanjenim fizičkim ili mentalnim sposobnostima, osobe bez iskustva i znanja, ako su pod nadzorom ili su upućeni da koriste fen na siguran način i razumiju opasnosti koje uključuje njegovo korištenje. Djeca se ne smiju igrati s fenom, niti smiju bez nadzora obavljati čišćenje i održavanje fena;
- Kada fen koristite u kupatilu, isključite ga iz napajanja nakon korištenja zato što blizina vode predstavlja opasnost čak i kad je fen isključen na prekidaču;
- Za dodatnu zaštitu možete ugraditi uređaj prekostrujne zaštite nazivne struje koja ne prelazi 30mA u strujno kolo koje napaja vaše kupatilo. Obratite se elektroinstalateru za savjet;
- U uputstvu za upotrebu mora biti navedeno sljedeće upozorenje: „Ne koristite fen u kadama, tuševima, bazenima i drugim prostorima koji sadrže vodu”.

➤ Da li proizvod ima vidljivih sigurnosnih nedostataka?

Vizuelnom kontrolom provjerite karakteristične sigurnosne zahtjeve koji se odnose na funkcionalnost i konstrukciju uređaja:

- Kontaktne igle utikača moraju biti fiksirane i paralelne tako da se ne mogu pomjeriti rukom iz osnovnog položaja;
- Mjesto spoja napojnog kabla i utikača sa jedne, te kabla i fena sa druge strane mora imati odgovarajuću izvedbu, tj. učvršćeno na odgovarajući način (tzv. „sidro”);
- Na fenu ne smiju postojati vidljiva fizička oštećenja.



KAFE APARATI



SAVJETI PRILIKOM KUPOVINE

Prilikom kupovine kafe aparata savjetujemo potrošače da obrate pažnju na sljedeće:

➤ Da li se na proizvodu nalaze obavezne informacije?

Na proizvodu treba da se nalaze najmanje sljedeće oznake / informacije:

- oznaka proizvođača ili njegove robne marke,
- oznaka modela / tipa uređaja,
- znak usklađenosti C ili CE,
- vrijednost naznačenog napona ili raspona napona u voltima (V),
- oznaka prirode napona (~) ili frekvencije uređaja (Hz),
- oznaka snage uređaja (W),
- oznaka klase zaštite (ukoliko je različita od klase I).

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaki kafe aparat i napisano na jednom od jezika koji su u službenoj upotrebi u Bosni i Hercegovini.

Uputstvo treba da sadrži upozorenje da se izbjegava kvašenje priključka za napajanje, informacije o načinu čišćenja površina koje dolaze u dodir sa hranom, upozorenje na potencijalne povrede usljed neispravnog korištenja aparata i upozorenje da površine grijnih elemenata zadržavaju toplotu i nakon upotrebe.

Uputstvo za kafe aparate koji sadrže rezervoar pod pritiskom koji korisnik sam može da napuni mora da sadrži informacije za sigurno punjenje rezervoara za vodu uz sljedeće upozorenje: „Otvor za punjenje ne smije se otvoriti tokom upotrebe uređaja!”.

➤ Da li proizvod ima vidljivih sigurnosnih nedostataka?

Vizuelnom kontrolom provjerite karakteristične sigurnosne zahtjeve koji se odnose na funkcionalnost i konstrukciju uređaja:

- Mjesto spoja napojnog kabla i utikača sa jedne, te kabla i kafe aparata sa druge strane mora imati odgovarajuću izvedbu, tj. mora biti učvršćeno na odgovarajući način (tzv. „sidro”);
- Na uređaju ne smiju biti dostupni dijelovi pod naponom;
- Na uređaju ne smiju postojati vidljiva fizička oštećenja.



Kafe aparati nalaze sve veću primjenu u domaćinstvima. Ovi proizvodi se najčešće koriste u kuhinjama što dodatno povećava rizik od strujnog udara po korisnika u slučaju da uređaj dođe u kontakt sa vodom.

PRAVNI OSNOV

Da bi se kafe aparati mogli staviti na tržište Bosne i Hercegovine oni moraju biti sigurni u skladu sa Naredbom o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09).



VENTILATORI

SAVJETI PRILIKOM KUPOVINE

Ventilatori se mogu smatrati relativno rasprostranjenom grupom proizvoda. Iako se radi o proizvodima relativno jednostavne izvedbe, ukoliko nisu izrađeni u skladu sa odgovarajućim propisima mogu predstavljati opasnost od strujnog udara i požara.

PRAVNI OSNOV

Da bi se ventilatori mogli staviti na tržište Bosne i Hercegovine oni moraju biti sigurni u skladu sa Naredbom o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09).

Prilikom kupovine ventilatora savjetujemo potrošače da obrate pažnju na sljedeće:

➤ Da li se na proizvodu nalaze obavezne informacije?

Na ventilatoru treba da se nalaze najmanje sljedeće oznake / informacije:

- oznaka proizvođača ili njegove robne marke,
- oznaka modela / tipa uređaja,
- znak usklađenosti C ili CE,
- vrijednost naznačenog napona ili raspona napona u voltima (V),
- oznaka prirode napona (~) ili frekvencije uređaja (Hz),
- oznaka snage uređaja (W),
- oznaka klase zaštite (ukoliko je različita od klase I).

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaki ventilator, napisano na jednom od jezika koji su u službenoj upotrebi u Bosni i Hercegovini. Uputstvo treba da sadrži sve potrebne informacije za sigurnu instalaciju, korištenje i održavanje ventilatora.

➤ Da li proizvod ima vidljivih sigurnosnih nedostataka?

Vizuelnom kontrolom provjerite karakteristične sigurnosne zahtjeve koji se odnose na funkcionalnost i konstrukciju uređaja:

- Mjesto spoja napojnog kabla i utikača sa jedne, te kabla i ventilatora sa druge strane mora imati odgovarajuću izvedbu, tj. mora biti učvršćeno na odgovarajući način (tzv. „sidro”);
- Na uređaju ne smiju biti dostupni dijelovi pod naponom;
- Na uređaju ne smiju postojati vidljiva fizička oštećenja.



RUČNE ELEKTRIČNE KRUŽNE PILE



SAVJETI PRILIKOM KUPOVINE

Prilikom kupovine ručne električne kružne pile savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**



OBAVEZNA UPOZORENJA:

„UPOZORENJE: Radi smanjenja rizika od povreda, korisnik mora pročitati uputstvo za upotrebu”. „UPOZORENJE“ mora biti napisano velikim slovima ne manjim od 2,4 mm i ne smije biti odvojeno od ostatka navoda.



Svaka mašina mora biti označena jasno i neizbrisivo sa minimalno: znakom usklađenosti C ili CE; nazivom (zaštitnim znakom) i adresom proizvođača (ovlaštenog zastupnika); oznakom modela, serije ili tipa proizvoda; godinom proizvodnje; serijskim brojem ako postoji; naznačenim (nazivnim) naponom ili rasponom napona u voltima (V); simbolom prirode napona (~ ili a.c.) ili nazivnom frekvencijom (Hz); nazivnom snagom u vatima (W) ili nazivnom strujom u amperima (A); oznakom klase II konstrukcije (samo za električne kružne pile klase II); oznakom IP broja zavisno od stepena zaštite od prodora vlage; oznakom brzine obrtaja izlaznog vretena u praznom hodu; naznačenim prečnikom lista (kružnog diska) kružne pile / testere ili određenim rasponom prečnika i oznakom smjera rotacije vretena kružne pile.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaki proizvod i napisano na jednom od jezika koji su u službenoj upotrebi u Bosni i Hercegovini.

➤ **Da li proizvod ima vidljivih sigurnosnih nedostataka?**

- Ručna električna kružna pila treba biti tako zatvorena da se omogući odgovarajuća zaštita od slučajnog kontakta sa dijelovima pod naponom, a izvlačenje, uvlačenje ili uvrtnje napojnog kabla ne smije biti moguće;
- Ručna električna kružna pila, mora biti opremljena sa štitnikom sječiva lista pile kako bi korisnik bio zaštićen od slučajnog kontakta sa listom pile u radu, izbačenim djelićima materijala, iskri i drugih krhotina;
- Štitnik sječiva lista pile može imati mogućnost podešavanja i odvajanja samo uz upotrebu alata ili uz potrebne dvije aktivnosti za njegovo odvajanje;
- Ručna električna kružna pila mora imati odgovarajuće hvatajuće površine kako bi se osiguralo sigurno držanje mašine prilikom upotrebe;
- Dostupni dijelovi ručne električne kružne pile koji se mogu dotaknuti tokom normalne upotrebe ne smiju imati oštre ivice, neravnine ili vrhove da bi normalnim povlačenjem rukom ili prstom mogli izazvati povrede.

Ručna električna kružna pila je alat koji je pogonjen električnim motorom i namijenjen je za rezanje različitih materijala sa rotacionim nazubljenim sječivom u obliku diska. Najčešće povrede od ručne električne kružne pile, pored nepažljivog rukovanja, nastaju usljed strujnog udara i mehaničkih vrsta povreda na rukama, prstima, očima i licu.

PRAVNI OSNOV

Da bi ručne električne kružne pile mogle biti stavljene na tržište Bosne i Hercegovine one moraju biti u skladu sa Naredbom o sigurnosti mašina („Službeni glasnik BiH”, broj 04/10).



RUČNE ELEKTRIČNE UBODNE PILE

SAVJETI PRILIKOM KUPOVINE

Ručna električna ubodna pila je alat koji je pogonjen električnim motorom i namijenjen je za rezanje različitih materijala gdje se ova radnja vrši naizmjeničnim povratnim kretanjem.

Ubodna pila je snabdjevena sa vodilicom za sječivo koja omogućava podešavanje zakretanja sječiva.

Namijenjene su za presijecanje i odsijecanje drveta, plastike, metala, keramičkih ploča i gume, a koriste se za ravno i sječenje pod uglom do 45 stepeni.

PRAVNI OSNOV

Da bi ručne električne ubodne pile mogle biti stavljene na tržište Bosne i Hercegovine moraju biti u skladu sa Naredbom o sigurnosti mašina („Službeni glasnik BiH”, broj 04/10).

Prilikom kupovine ručne električne ubodne pile savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Svaka mašina mora biti označena jasno i neizbrisivo sa minimalno: znakom usklađenosti C ili CE; nazivom (zaštitnim znakom) i adresom proizvođača (ovlaštenog zastupnika); oznakom modela, serije ili tipa proizvoda; godinom proizvodnje; serijskim brojem ako postoji; naznačenim (nazivnim) naponom ili rasponom napona u voltima (V); simbolom prirode napona (~ ili a.c.) ili nazivnom frekvencijom (Hz); nazivnom snagom u vatima (W) ili nazivnom strujom u amperima (A); oznakom klase II konstrukcije (samo za električne ubodne pile klase II); oznakom IP broja zavisno od stepena zaštite od prodora vlage.



➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz svaki proizvod i napisano na jednom od jezika koji su u službenoj upotrebi u Bosni i Hercegovini.

➤ Da li proizvod ima vidljivih sigurnosnih nedostataka?

– Ručna električna ubodna pila treba biti tako zatvorena da se omogući odgovarajuća zaštita od slučajnog kontakta sa dijelovima pod naponom, a izvlačenje, uvlačenje ili uvrtnje kabla ne smije biti moguće;

– Ručna električna ubodna pila mora biti opremljena sa štitnikom sječiva lista pile kako bi korisnik bio zaštićen od slučajnog kontakta

sa listom pile u radu, izbačenim djelićima materijala, iskri i drugih krhotina;

- Štitnik sječiva lista pile može imati mogućnost podešavanja i odvajanja samo uz upotrebu alata ili uz potrebne dvije aktivnosti za njegovo odvajanje;
- Ručna električna ubodna pila mora imati odgovarajuće hvatajuće površine kako bi se osiguralo sigurno držanje mašine prilikom upotrebe;
- Dostupni dijelovi ručne električne ubodne pile koji se mogu dotaknuti tokom normalne upotrebe ne smiju imati oštre ivice, neravnine ili vrhove da bi normalnim povlačenjem rukom ili prstom mogli izazvati povrede.

OBAVEZNA UPOZORENJA:

„UPOZORENJE: Radi smanjenja rizika od povreda, korisnik mora pročitati uputstvo za upotrebu”. „UPOZORENJE“ mora biti napisano velikim slovima ne manjim od 2,4 mm i ne smije biti odvojeno od ostatka navoda.



RUČNE ELEKTRIČNE KOSILICE ZA TRAVU



SAVJETI PRILIKOM KUPOVINE

Prilikom kupovine ručne električne kosilice za travu savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**



Svaka mašina mora biti označena jasno i neizbrisivo sa minimalno: znakom usklađenosti C ili CE; nazivom (zaštitnim znakom) i adresom proizvođača ili njegovog ovlaštenog zastupnika; oznakom modela, serije ili tipa proizvoda; godinom proizvodnje; serijskim brojem; naznačenim (nazivnim) naponom ili rasponom napona u voltima (V); simbolom prirode napona (~ ili a.c.) ili nazivnom frekvencijom (Hz); nazivnom snagom u vatima (W) ili nazivnom strujom u amperima (A); oznakom klase II konstrukcije (samo za električne kosilice klase II); oznakom IP broja zavisno od stepena zaštite od prodora vlage.

OBAVEZNA UPOZORENJA:

„Pročitaj uputstvo za upotrebu”.
 „Pazi da posmatrači budu udaljeni”.
 „Čuvaj se oštrih sječiva”.
 „Oštrice se nastavljaju rotirati nakon što je motor isključen”.
 „Uklonite utikač iz struje prije održavanja ili ako je kabl oštećen”.
 „Držite napojni kabl dalje od sječiva kosilice”.



➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaki proizvod i napisano na jednom od jezika koji su u službenoj upotrebi u Bosni i Hercegovini.

➤ **Da li proizvod ima vidljivih sigurnosnih nedostataka?**

– Ručna električna kosilica za travu treba biti tako zatvorena da se omogući odgovarajuća zaštita od slučajnog kontakta sa mehaničkim dijelovima u pokretu ili

kontakta sa dijelovima pod naponom, a izvlačenje, uvlačenje ili uvrtnje napojnog kabla ne smije biti moguće;

- Električna kosilica za travu mora biti opremljena sa uređajem na ručki, koji će automatski zaustaviti rotaciju sječiva kada se korisnikova ruka pomjeri sa ručke. Ovo se može postići npr. zaustavljanjem rada motora ili međusobnim djelovanjem kočnice sječiva sa djelovanjem mehanizma kvačila;
- Za ponovno pokretanje rotacije sječiva, kontrola mora imati dva odvojena djelovanja. Ako se te radnje izvode pomoću iste ruke, postupci moraju biti potpuno različiti / odvojeni kako bi se spriječilo slučajno uključivanje;
- Sve pogonjene komponente, osim dijela sa sječivima prema zemlji, moraju biti zaštićene štitnicima kako bi se spriječio kontakt sa ovim komponentama za vrijeme rada kosilice. Fiksni štitnici moraju biti pričvršćeni na način da se mogu otvoriti ili ukloniti samo sa alatom;
- Dostupni dijelovi ručne električne kosilice za travu koji se mogu dotaknuti tokom normalne upotrebe ne smiju imati oštre ivice, neravnine ili vrhove da bi normalnim povlačenjem rukom ili prstom mogli izazvati povrede.



Električna kosilica za travu je po definiciji mašina za sječenje trave ili mašina sa dodatkom za sječenje trave, gdje se sječenje vrši sječivom koje je otprilike paralelno sa zemljom i gdje se tlo koristi za utvrđivanje visine reza pomoću točkova, ili na drugi način, a koja je pogonjena električnim motorom. Pješački ručno upravljana kosilica je mašina za sječenje trave, koja se gura ili koja je samohodna, a čija se vožnja normalno upravlja od strane rukovaoca koji hoda iza mašine.

PRAVNI OSNOV

Da bi ručne električne kosilice za travu mogle biti stavljene na tržište Bosne i Hercegovine moraju biti u skladu sa Naredbom o sigurnosti mašina („Službeni glasnik BiH”, broj 04/10).



PLUTAJUĆA POMAGALA ZA UČENJE PLIVANJA

SAVJETI PRILIKOM KUPOVINE

Plutajuća pomagala, koja se nose, spadaju u ličnu zaštitnu opremu namijenjenu da se odjene, sigurno pričvrsti za tijelo i koja ima sposobnost plutanja ili se može napuhati. Najčešći rizik kojem su izloženi korisnici plutajućih pomagala za učenje plivanja je rizik od utapanja.

PRAVNI OSNOV

Plutajuća pomagala koja se nose spadaju u II kategoriju lične zaštitne opreme i prema Naredbi o ličnoj zaštitnoj opremi („Službeni glasnik BiH”, broj 75/10) mogu se staviti na tržište Bosne i Hercegovine ili u upotrebu samo ako ne ugrožavaju zdravlje i sigurnost korisnika.

Prilikom kupovine plutajućih pomagala za učenje plivanja savjetujemo potrošače da obrate pažnju na sljedeće:

➤ Da li postoje upozorenja na proizvodu?

Na proizvodu treba biti utisnuta ili otisnuta velikim boldiranim (podebljanim) slovima, ne manjim od 5 mm visine, riječ „**UPOZORENJE**“ (ili „**PAŽNJA**“). Boja nije propisana, ali mora biti u kontrastu s pozadinom i jasna. Pored riječi „**UPOZORENJE**“ treba se nalaziti utisnut ili otisnut sljedeći tekst, ne manji od 3 mm visine, koji može biti napisan velikim ili malim slovima:

- Ne štiti od utapanja;
- Uvijek do kraja napuštite sve vazdušne komore (ako proizvod ima komore);
- Upotrebljavati samo pod stalnim nadzorom;
- Nositi na gornjem dijelu ruke (samo za plutajuća pomagala oko ruke);
- Moraju se nositi svi sastavni dijelovi (ako se oprema sastoji od više dijelova).

Mogu se koristiti i grafički simboli za navedena upozorenja i oznake.

Plutajuća pomagala koja se pozicioniraju oko ruke moraju dodatno imati grafički simbol upozorenja da se nose na gornjem dijelu ruke.

Plutajuća pomagala koja se sastoje od više dijelova moraju dodatno imati grafički simbol upozorenja da se dijelovi ne odvajaju od plutajućeg pomagala.

➤ Da li se na proizvodu nalaze obavezne informacije?

Pored navedenog upozorenja i pratećeg teksta na proizvodu se trebaju nalaziti i sljedeće informacije: dozvoljena masa jednaka rasponu veličina i/ili rasponu starosti korisnika; oznaka standarda BAS EN 13138-1:2016 ili EN 13138-1:2014; oznaka tipa proizvoda i trgovačko


ime ili model ili kod; ime ili zaštitni znak proizvođača, uvoznika ili distributera. Također, na mjestu prodaje ili pakovanjima plutajućih pomagala treba se nalaziti naljepnica sa specifičnim podacima o proizvodu. Naljepnica se može nalaziti i na proizvodu ako se on nalazi unutar providnog pakovanja koje omogućava da se naljepnica jasno vidi. U naljepnici na pakovanju, veličina i klasa plutajućeg pomagala mora se označiti znakom √ u odgovarajućem dijelu.

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz plutajuće pomagalo i napisano na jednom od jezika koji su u službenoj upotrebi u Bosni i Hercegovini.

➤ Da li proizvod ima vidljivih sigurnosnih nedostataka?

Plutajuća pomagala na napuhavanje moraju imati minimalno dvije odvojene vazdušne komore i na svakoj vazdušnoj komori mora biti nepovratni ventil. Na svakom nepovratnom ventilu mora biti čep koji je povezan sa tijelom ventila.



PLOČE NA BAZI DRVETA ZA UPOTREBU U GRAĐEVINARSTVU



SAVJETI PRILIKOM KUPOVINE

Prilikom kupovine ploča na bazi drveta za upotrebu u građevinarstvu savjetujemo potrošače da obrate pažnju na sljedeće:

➤ Da li su proizvodi označeni oznakom usklađenosti?

Proizvod mora biti označen oznakom usklađenosti propisanom pravilnicima o označavanju građevinskih proizvoda („Službene novine FBiH”, broj 88/10 i „Službeni glasnik RS”, broj 93/12) ili standardom BAS EN 13986+A1:2016 (na području entiteta Republika Srpska). Oznaka usklađenosti sadrži sljedeće:

- znak „E“ u Federaciji Bosne i Hercegovine i bez oznake ili znak „CE“ u Republici Srpskoj,
- ime proizvođača,
- sjedište proizvođača,
- zadnja dva broja godine u kojoj je oznaka stavljena na proizvod,
- evidencijski broj ovlaštenog pravnog lica / tijela za ocjenjivanje usklađenosti ili laboratorije/a ovlaštene/ih za ispitivanje u slučaju da su učestvovali u postupku ocjenjivanja usklađenosti,
- oznaka standarda BAS EN 13986+A1:2016,
- naziv proizvoda,
- proizvođačeva identifikacijska oznaka građevinskog proizvoda,
- obavijest o svojstvima / karakteristikama proizvoda.

➤ Da li je uz proizvod priložena izjava o usklađenosti i certifikat o usklađenosti (samo za proizvode sa sistemom ocjenjivanja 1)?

Izjavom o usklađenosti i certifikatom o usklađenosti se dokazuje upotrebljivost građevinskog proizvoda, a izdaju se nakon provođenja postupka ocjenjivanja usklađenosti tehničkih svojstava građevinskog proizvoda sa tehničkom specifikacijom. Izjavom o usklađenosti i certifikatom o usklađenosti se potvrđuje da se proizvod može staviti na tržište i koristiti za građenje.

➤ Da li su uz proizvod priložena tehnička uputstva?



Proizvođač, ovlašteni zastupnik odnosno uvoznik građevinskog proizvoda mora prije stavljanja na tržište odnosno upotrebe građevinskog proizvoda izraditi tehnička uputstva. Tehnička uputstva moraju biti priložena uz svaki građevinski proizvod koji se isporučuje odnosno svako pojedinačno pakovanje. Sve informacije u tehničkom uputstvu moraju biti napisane na jednom od jezika koji su u službenoj upotrebi u Bosni i Hercegovini. Tehnička uputstva moraju sadržavati podatke značajne za transport i upotrebu proizvoda. Uz pisani tekst, tehnička uputstva radi lakšeg

razumijevanja, mogu sadržavati nacрте i ilustracije.

Ploče na bazi drveta za upotrebu u građevinarstvu imaju široku i raznoliku upotrebu.

Mogu se koristiti kao konstruktivni i nekonstruktivni elementi u suhim i vlažnim uslovima i za unutrašnju i vanjsku upotrebu. Najčešći rizik koji se javlja kod ovih proizvoda je neispunjavanje odredbi kojima se dokazuje upotrebljivost proizvoda.

PRAVNI OSNOV

Da bi se ploče na bazi drveta za upotrebu u građevinarstvu mogle staviti na tržište Bosne i Hercegovine one moraju ispunjavati odredbe Zakona o građevinskim proizvodima u FBiH („Sl. novine FBiH”, broj 78/09) i Zakona o građevinskim proizvodima u RS („Sl. glasnik RS”, broj 5/12).



SAVJETI PRILIKOM KUPOVINE

Gips se u graditeljstvu koristi od samih početaka ljudske civilizacije. Posebna svojstva gipsa se očituju u brzom vezivanju i očvršćavanju. Vezivna svojstva svih vrsta građevinskog gipsa posljedica su procesa hidratacije koji se zasniva na sposobnosti ponovnog vezivanja vode i stvaranju dihidrata. Najčešći rizik koji se javlja kod ovih proizvoda je neispunjavanje odredbi kojima se dokazuje upotrebljivost proizvoda.

PRAVNI OSNOV

Da bi se veziva od gipsa i gipsane mase za izravnavanje mogli staviti na tržište Bosne i Hercegovine oni moraju ispunjavati odredbe Zakona građevinskim proizvodima u FBiH („Sl. novine FBiH“, broj 78/09) i Zakona o građevinskim proizvodima u RS („Sl. glasnik RS“ broj 5/12).

Prilikom kupovine veziva od gipsa i gipsanih masa za izravnavanje savjetujemo potrošače da obrate pažnju na sljedeće:

➤ Da li su proizvodi označeni oznakom usklađenosti?

Proizvod mora biti označen oznakom usklađenosti propisanom pravilnicima o označavanju građevinskih proizvoda („Službene novine FBiH“, broj 88/10 i „Službeni glasnik RS“, broj 93/12) ili standardom BAS EN 13279-1:2010 (na području entiteta Republika Srpska). Oznaka usklađenosti sadrži sljedeće:

- znak „E“ u Federaciji Bosne i Hercegovine i bez oznake ili znak „CE“ u Republici Srpskoj,
- ime proizvođača,
- sjedište proizvođača,
- zadnja dva broja godine u kojoj je oznaka stavljena na proizvod,
- oznaka standarda BAS EN 13279-1:2010,
- naziv proizvoda,
- proizvođačeva identifikacijska oznaka građevinskog proizvoda,
- obavijest o svojstvima / karakteristikama proizvoda.

➤ Da li je uz proizvod priložena izjava o usklađenosti ?

Izjavom o usklađenosti se dokazuje upotrebljivost građevinskog proizvoda, a izdaje se nakon provođenja postupka ocjenjivanja usklađenosti tehničkih svojstava građevinskog proizvoda sa odgovarajućom tehničkom specifikacijom. Izjavom o usklađenosti se potvrđuje da se proizvod može staviti na tržište i koristiti za građenje.

➤ Da li su uz proizvod priložena tehnička uputstva?

Tehnička uputstva moraju slijediti svaki građevinski proizvod koji se isporučuje



odnosno svako pojedinačno pakovanje. Sve informacije na proizvodu - pakovanju i u uputstvu moraju biti napisane na jednom od jezika koji su u službenoj upotrebi u Bosni i Hercegovini. Tehnička uputstva moraju sadržavati podatke značajne za transport i upotrebu proizvoda, zatim mora biti naveden rok do kada se taj proizvod može ugraditi, odnosno da taj rok nije ograničen. Uz pisani tekst, tehnička uputstva radi lakšeg razumijevanja mogu sadržavati nacрте i ilustracije.

REZULTATI PROAKTIVNOG NADZORA NAD TRŽIŠTEM U 2018. GODINI



Tokom aktivnosti proaktivnog nadzora nad tržištem realizovano je 245 inspeksijskih kontrola, u okviru kojih je administrativno, vizuelno i laboratorijski kontrolisano 214 različita modela proizvoda (200 modela proizvoda je ispitano u laboratorijama) od čega 118 modela (48 %) nije ispunjavalo propisane sigurnosne zahtjeve. Kao rezultat navedenih aktivnosti, sa tržišta je povučeno i vraćeno od potrošača 8010 komada proizvoda, od čega su 6553 komada uništena. Poslovni subjekti su, dobrovoljno ili po nalogu inspeksijskih organa, uskladili 7888 komada proizvoda sa propisanim sigurnosnim zahtjevima.

Grupa proizvoda	Ukupan broj neusklađenih proizvoda	Broj proizvoda kod kojih su otklonjene neusklađenosti	Broj proizvoda povučenih sa tržišta	Broj uništenih proizvoda
Dječije hodalice	451	431	20	20
Dječije ogradice za kućnu upotrebu	7	0	7	7
Trotineti za djecu	307	261	46	46
Stolice za vanjsku upotrebu	1898	1051	847	485
Koturaljke (roleri)	306	292	14	14
Igračke sa laserskim lampama	560	0	560	560
Laserski pokazivači	280	0	280	280
Igračke (sadržaj ftalata)	1153	0	1153	1153
Bočice za hranjenje beba	0	0	0	0
Usisivači za prašinu	19	19	0	0
Kuhala za vodu	176	172	4	4
Produžni kablovi	2542	0	2542	2265
Električni fenovi	897	436	461	445
Aparati za kafu	129	129	0	0
Ventilatori	1297	522	775	7
Ručne električne kružne pile	11	11	0	0
Ručne električne ubodne pile	13	9	4	4
Električne kosilice za travu	162	162	0	0
Kacige za bicikliste i korisnike skejtborda i koturaljki	725	95	630	630
Plutajuća pomagala	1988	1334	654	620
Zaštitna / sigurnosna obuća	1762	1749	13	13
Ploče na bazi drveta za upotrebu u građevinarstvu	401	401	0	0
Veziva od gipsa i gipsane mase za izravnavanje	814	814	0	0

REAKTIVNI NADZOR NAD TRŽIŠTEM U 2018. GODINI

Agencija je u 2018. godini pokrenula 45 predmeta reaktivnog nadzora od čega je u 28 predmeta utvrđeno da se predmetni proizvodi nalaze na tržištu Bosne i Hercegovine.

Kao rezultat ovih aktivnosti, sa tržišta je povučeno i uništeno 10345 komada proizvoda. Poslovni subjekti su izvršili usklađivanje 157 komada proizvoda sa propisanim sigurnosnim zahtjevima.




SUMARNI REZULTATI NADZORA NAD TRŽIŠTEM U 2018. GODINI

SUMARNI REZULTATI PROAKTIVNOG I REAKTIVNOG NADZORA SA PREDUZETIM MJERAMA

U 2018. godini su administrativno, vizuelno i / ili laboratorijski kontrolisana 242 modela proizvoda, od čega je 146 modela (26400 komada) bilo neusklađeno sa propisanim sigurnosnim zahtjevima.


Od ukupnog broja neusklađenih komada proizvoda poslovni subjekti su dobrovoljno ili po nalogu inspeksijskih organa izvršili usklađivanje 8045 komada proizvoda sa propisanim sigurnosnim zahtjevima. Sa tržišta Bosne i Hercegovine je povučeno i vraćeno od potrošača 18355 komada proizvoda od kojih je 16898 komada uništeno.

- Ukupan broj neusklađenih proizvoda
- Broj proizvoda kod kojih su otklonjene neusklađenosti
- Broj proizvoda povučenih sa tržišta i vraćenih od potrošača
- Broj uništenih proizvoda



GRUPE PROIZVODA SA OZBILJNIM RIZIKOM ZA POTROŠAČE

Kao rezultat provođenja proaktivnog i reaktivnog nadzora nad tržištem u 2018. godini, na tržištu Bosne i Hercegovine je pronađeno 67 modela nesigurnih proizvoda koji su predstavljali ozbiljan rizik za potrošače:




SUMARNI REZULTATI NADZORA NAD TRŽIŠTEM U 2018. GODINI



VRSTE RIZIKA


Kod 67 modela proizvoda sa ozbiljnim rizikom za potrošače utvrđene su sljedeće vrste rizika:



PORIJEKLO PROIZVODA SA OZBILJNIM RIZIKOM

Analizom rezultata proaktivnog i reaktivnog nadzora iz 2018. godine, ustanovljeno je da najviše nesigurnih proizvoda sa ozbiljnim rizikom za potrošače vodi porijeklo iz Kine (82%).

- Kina
- Srbija
- Turska
- Italija
- Belgija
- Bugarska
- Bosna i Hercegovina





LISTA PROIZVODA SA OZBILJNIM RIZIKOM

Rb.	Proizvod	Naziv/model/tip proizvoda	Zemlja porijekla	Vrsta rizika
1.	Laserska igračka mač	nepoznat	Kina	Rizik od povrede oka i oštećenja vida
2.	Laserska igračka pištolj	Air Sport Gun P.729-2	Kina	Rizik od povrede oka i oštećenja vida
3.	Laserska igračka pištolj	BB Airsoft Gun R-833A	Kina	Rizik od povrede oka i oštećenja vida
4.	Laserska igračka pištolj	Airsoft Gun G.051A	Kina	Rizik od povrede oka i oštećenja vida
5.	Laserska igračka pištolj	Desert eagle	Kina	Rizik od povrede oka i oštećenja vida
6.	Laserska igračka pištolj	Airsoft gun ZQ 737++	Kina	Rizik od povrede oka i oštećenja vida
7.	Laserska igračka pištolj	824 AIR SPORT GUN	Kina	Rizik od povrede oka i oštećenja vida
8.	Laserski pokazivač	Green Laser Pointer	Kina	Rizik od povrede oka i oštećenja vida
9.	Laserski pokazivač	Green Laser Pointer YL-018	Kina	Rizik od povrede oka i oštećenja vida
10.	Laserski pokazivač	Green Laser Pointer sa izmjenjivim glavama	Kina	Rizik od povrede oka i oštećenja vida
11.	Laserski pokazivač	Led Key Chain	Kina	Rizik od povrede oka i oštećenja vida
11.	Laserski pokazivač	5 u 1	Kina	Rizik od povrede oka i oštećenja vida
13.	Laserski pokazivač	Weiw 050	Kina	Rizik od povrede oka i oštećenja vida
14.	Laserski pokazivač	3 u 1	Kina	Rizik od povrede oka i oštećenja vida
15.	Laserski pokazivač	Three Sisters	Kina	Rizik od povrede oka i oštećenja vida
16.	Laserski pokazivač	Laser & Led light 806	Kina	Rizik od povrede oka i oštećenja vida
17.	Električni ventilator	YSj02-180	Kina	Rizik od strujnog udara i požara
18.	Električni ventilator	BM FS40-602	Kina	Rizik od strujnog udara i požara
19.	Električni ventilator	Bowen Sky FS 1619	Kina	Rizik od strujnog udara i požara
20.	Električno kuhalo za vodu	Mylong tip MY-1505	Kina	Rizik od strujnog udara i požara
21.	Fen za kosu	AWT SD-809	Kina	Rizik od strujnog udara i požara
22.	Fen za kosu	Vox HT-7885	Kina	Rizik od strujnog udara i požara
23.	Fen za kosu	Nova SWG670	Kina	Rizik od strujnog udara i požara
24.	Fen za kosu	MD-750A	Kina	Rizik od strujnog udara i požara
25.	Produžni kabl	01 35 11 10 305 410	Turska	Rizik od strujnog udara i požara
26.	Produžni kabl	KF-05K-5M	Kina	Rizik od strujnog udara i požara
27.	Produžni kabl	5239	Kina	Rizik od strujnog udara i požara
28.	Produžni kabl	10611	Bosna i Hercegovina	Rizik od strujnog udara i požara
29.	Produžni kabl	nepoznat	Turska	Rizik od strujnog udara i požara
30.	Produžni kabl	ROA 5310	Kina	Rizik od strujnog udara i požara
31.	Produžni kabl	Art. 440	Srbija	Rizik od strujnog udara i požara
32.	Produžni kabl	5721	Srbija	Rizik od strujnog udara i požara








LISTA PROIZVODA SA OZBILJNIM RIZIKOM



Rb.	Proizvod	Naziv/model/tip proizvoda	Zemlja porijekla	Vrsta rizika
33.	Igračka konjic	My happy baby MM-10767	Kina	Hemijski rizik
34.	Igračka konjic	Y61213	Kina	Hemijski rizik
35.	Igračka konjic	My Little Horse HY518313	Kina	Hemijski rizik
36.	Igračka ljigavac	bačvica	Kina	Hemijski rizik
37.	Igračka lutka	Angel Girl 632A	Kina	Hemijski rizik
38.	Igračka lutka	Sirena	Kina	Hemijski rizik
39.	Igračka lutka	Sofia fashion show BBL7747	Kina	Hemijski rizik
40.	Igračka lutka	Hapy Angel GY 1802A	Kina	Hemijski rizik
41.	Igračka lutka	Frozen (B18-1/3/6/7)	Kina	Hemijski rizik
42.	Plastična igračka na napuhavanje	Pony	Kina	Hemijski rizik
43.	Dječija hodolica	Robi Ebl – B400	Kina	Rizik od povrede
44.	Dječija hodolica	Orange Baby Land	Kina	Rizik od povrede
45.	Dječija hodolica	Teddy	Bugarska	Rizik od povrede
46.	Dječija hodolica	Happy	Kina	Rizik od povrede
47.	Trotinet	Boy 2M 6-1 ASST	Kina	Rizik od povrede
48.	Trotinet	ROIGSWI291	Kina	Rizik od povrede
49.	Trotinet	17W28-285	Kina	Rizik od povrede
50.	Dječija ogradica	Elephant	Srbija	Rizik od povreda, gušenja i uklještenja
51.	Siperak za bebe	nepoznat	Turska	Hemijski rizik
52.	Biciklistička kaciga	CTG-MV-15 Sin-bike	Kina	Rizik od povrede
53.	Biciklistička kaciga	Sports Protection	Kina	Rizik od povrede
54.	Biciklistička kaciga	ROIG SWL 2177	Kina	Rizik od povrede
55.	Sigurnosna obuća	Red Volk AK SBP	Kina	Rizik od povrede
56.	Sigurnosna obuća	Road War A8055 AK SBP	Kina	Rizik od povrede
57.	Plutajuće pomagalo	Swim Safe Step b 32034	Kina	Rizik od utapanja
58.	Plutajuće pomagalo	Arm Circle (Spiderman)	Kina	Rizik od utapanja
59.	Stolica	Derby Birki zelena	Italija	Rizik od povrede
60.	Stolica	ribarska sa čašom	Kina	Rizik od povrede
61.	Stolica	PVC Atlanta smeđa	Italija	Rizik od povrede
62.	Stolica	Elegant	Srbija	Rizik od povrede
63.	Stolica sklopiva	7104/SV0045	Kina	Rizik od povrede
64.	Stolica sklopiva	ROV-LFT 3463	Kina	Rizik od povrede
65.	Ručna električna ubodna pila	Total ROA JS 027	Kina	Rizik od strujnog udara i požara
66.	Ručna električna ubodna pila	Moller ROA JS 003	Kina	Rizik od strujnog udara i požara
67.	Sredstvo za čišćenje	Ceresit Stop plijesni	Belgija	Hemijski rizik



Agencija za nadzor nad tržištem Bosne i Hercegovine

	Trg Ilidžanske brigade 2b, 71124 Istočno Sarajevo		00 387 57 343 502
	00 387 57 340 718		www.annt.gov.ba
	msa.info@annt.gov.ba		ANNTBIH
	ANNTBIH		

ISSN 2303-5439



9 772303 543904